

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U SREBRENIKU
Broj: 30-0-Su-25-000 835-4
Datum: 05.01.2025. godine

Na osnovu člana 75. Zakona o državnoj službi u Tuzlanskom kantonu (Službene novine TK, broj: 11/24 – prečišćeni tekst) i člana 16. Pravilnika o unutrašnjoj organizaciji i sistematizaciji radnih mjesta u Općinskom sudu u Srebreniku, predsjednik suda objavljuje

JAVNI OGLAS

Za prijem u radni odnos na neodređeno vrijeme namještenika na poslove i zadatke:

1. Viši referent za operativno - tehničke poslove (daktilograf)..... 1 (jedan) izvršilac,

Opis poslova:

- obavlja sve vrste daktilografskih poslova po Pravilniku o unutrašnjem sudskom poslovanju: prepis, kucanje po diktatu, uređivanje spisa, postupanje po naredbama sudija i stručnih saradnika i finalizacija spisa,
- radi sa sudijama i stručnim saradnicima u osiguravanju pravilnog upravljanja predmetima u CMS sistemu,
- po potrebi radi i druge poslove u pisarnici i na drugim referatima po nalogu šefa pisarnice, odnosno predsjednika suda.

Posebni uslovi za obavljanje poslova radnog mjesta: SSS - IV stepen, gimnazija, ekonomska, upravna, birotehnička ili druga škola društvenog smjera ili druga škola tehničkog smjera, najmanje deset (10) mjeseci radnog staža ostvarenog poslije završene navedene srednje škole i poznavanje rada na računaru.

Pored posebnih uslova za zasnivanje radnog odnosa kandidat/kinja mora ispunjavati i opšte uslove predviđene članom 77. Zakona o državnoj službi u Tuzlanskom kantonu: da je državljanin/ka BiH, da je stariji/a od 18 godina, da je zdravstveno sposoban/na za obavljanje poslova radnog mjesta, da ima vrstu i stepen školske spreme potrebne za obavljanje poslova radnog mjesta, da u posljednje dvije godine od dana objavljivanja Javnog oglasa nije otpušten/a iz organa državne službe kao rezultat disciplinske kazne na bilo kojem nivou vlasti u BiH i da nije obuhvaćen/a članom IX 1. Ustava BiH.

Za radno mjesto potrebno je priložiti: Uvjerenje o državljanstvu BiH (ne starije od 3 mjeseca), Izvod iz Matične knjige rođenih, Svjedočanstvo ili diploma o završenoj srednjoj školi, uvjerenje ili potvrdu o radnom stažu, uvjerenje ili potvrda o poznavanju rada na računaru, Uvjerenje da se protiv kandidata ne vodi krivični postupak (ne starije od tri mjeseca), Ovjerenu izjavu kandidata da u posljednje dvije godine od dana objavljivanja Javnog oglasa nije otpušten/a iz organa državne službe kao rezultata disciplinske kazne na bilo kojem nivou vlasti u BiH i Ovjerenu izjavu kandidata da nije obuhvaćen/a odredbom člana IX 1. Ustava BiH.

Prijavljeni kandidati koji ispunjavaju opšte i posebne uslove za navedena radna mjesta bit će pozvani na intervju i na daktilo-testiranje. Izabrani kandidati će biti dužni dostaviti ljekarsko uvjerenje o opštoj zdravstvenoj sposobnosti za obavljanje poslova radnog mjesta (ne starije od tri mjeseca) nakon izbora, odnosno početka rada.

Sve tražene dokumente uz prijavu na Javni oglas uz navođenje telefonskog kontakt broja, u originalu ili ovjerenoj kopiji, treba dostaviti u roku od 15 dana od dana objavljivanja u dnevnom listu "Večernji list", na web. stranici suda, oglasnoj tabli Zavoda za zapošljavanje – Biro Srebrenik, te oglasnoj tabli Općinskog suda u Srebreniku, neposrednim putem ili putem pošte, preporučeno na adresu: Općinski sud u Srebreniku, ul. Radnička bb, sa naznakom „ZA JAVNI OGLAS ne otvarati“.

Nepotpune i neblagovremene prijave neće se uzeti u razmatranje.

Predsjednik suda
Muhamed Vejzović

